

C(5)035 - Gorchymyn Deddf Deddfwriaeth (Cymru) 2019 (Cychwyn) 2019

Cefndir a Diben

Mae'r Gorchymyn hwn yn dwyn Rhan 2 o Ddeddf Deddfwriaeth (Cymru) 2019, sy'n gwneud darpariaeth ynghylch dehongli a gweithredu deddfwriaeth Cymru, i rym yn llawn ar 1 Ionawr 2020. Felly bydd Rhan 2 o'r Ddeddf yn gymwys i Ddeddfau'r Cynulliad sy'n cael y Cydsyniad Brenhinol ar 1 Ionawr 2020 neu ar ôl 1 Ionawr 2020, ac i is-offerynnau Cymreig a wneir ar y dyddiad hwnnw neu ar ôl y dyddiad hwnnw.

Mae'r Gorchymyn hefyd yn diwygio darpariaethau sy'n cyfeirio at y diwrnod y daw Rhan 2 i rym, er mwyn iddynt gyfeirio at 1 Ionawr 2020 yn lle hynny.

Gweithdrefn

Dim gweithdrefn.

Gwaith craffu o dan Reol Sefydlog 21.7

Nodwyd dau bwynt i gyflwyno adroddiad arnynt o dan Reol Sefydlog 21.7 mewn perthynas â'r Gorchymyn hwn:

1. Mae Erthygl 4 o'r Gorchymyn yn diwygio adran 23B o Ddeddf Dehongli 1978. Mae dechrau'r fersiwn Saesneg o erthygl 4 yn nodi (yn gywir): "In section 23B...". Ond mae dechrau'r fersiwn Gymraeg o erthygl 4 yn nodi (yn anghywir): "Yn lle adran 23B...".

Fodd bynnag, rydym yn derbyn bod y cyd-destun yn gyffredinol yn ei gwneud yn glir beth y mae erthygl 4 yn ceisio'i gyflawni.

2. Nodwn fod y Gorchymyn hwn yn cael ei wneud o dan adran 38 (sy'n cynnwys pŵer i wneud **rheoliadau**) ac o dan adran 44(2) (sy'n cynnwys pŵer i wneud **gorchymyn**) o Ddeddf Deddfwriaeth (Cymru) 2019, a bod adran 39 o'r Ddeddf honno, mewn ffordd ddefnyddiol, yn caniatáu i Weinidogion Cymru arfer pŵer i wneud rheoliadau a phŵer i wneud gorchymyn mewn un offeryn (wedi'i labelu'n orchymyn yn yr achos hwn).

Ymateb y Llywodraeth

Nid oes angen ymateb gan y Llywodraeth.

Trafodaeth y Pwyllgor

Trafododd y Pwyllgor yr offeryn yn ei gyfarfod ar 21 Hydref 2019 ac mae'n cyflwyno adroddiad i'r Cynulliad yn unol â'r pwyntiau adrodd uchod.

